

դուռնում, որ իրենցից մէկն ու մէկը ինքնակալ ու ինքնակամ իշխանութեամբ հրամայի իրենց» (58): Հետեւապէս ո՛րքան ամօթ եւ նախատինք բանական մարդուն, որ թոյլ է տալիս իր նման մէկին՝ իր ուզածին պէս հրամայելու իրեն:

Եւ վերջապէս, հայ եւ օտար պատմութիւններից եւս շատ դասեր ունի նա, դառն ու խրատական դասեր: Նրան յայտնի է, թէ միապետները, Հայաստանում եւ այլուրեք, ի՛նչ պիտի պատուհաս են եղել ընդհանրապէս եւ ո՛րքան աղէտ ու դժբախտութիւններ են պատճառել իրենց ժողովուրդներին: Ներոնի եւ Սանատրուկի օրինակները միայն բաւական էին նրան համոզելու, թէ ո՛րքան աղէտաբեր է ինքնակալ միապետութիւնը:

Այս այսպէս լինելով հանդերձ՝ միապետութիւնները, կան եւ գոյութիւն ունեն: Ինչո՞վ բացատրել: Ի՞նչն է, որ մարդկանց ստիպում է հանդուրժել անդամ ինքնակալ միապետների գոյութեանը եւ հնազանդել նրանց քմահաճօքներին, յաճախ մոլի եւ գազանային: Արդեօք սէ՞րը, յարգա՞նքը, երկրի շահե՞րը եւ մի այլ նման նկատառո՞ւմ:

Հեղինակն աշխատում է այս հարցին պատասխանել եւ պատասխանում է դուցէ շատ ճիշդ — միայն եւ միայն երկիւղը, դիւստորապէս մահուան երկիւղը:

Ու խորը վշտացած՝ բացականչում է. «Ո՛րքան ծիծաղելի ու խղճալի ես դու, ո՛վ մարդ: Չէ՞ որ այդ դէպքում մի չնչին կարծիք, մի պիղծ օձ, մի փոքրիկ թոյն կամ մի անմարս կերակուր կարող էին քո թագաւորը լինել, որովհետեւ նրանք էլ կարող են քեզ զրկել քո բնական կեանքից» (57):

Նրա կարծիքով՝ բռնակալներն էլ շատ լաւ դիտակցում են, որ միմիայն երկիւղն է իրենց գոյութեան ու երջանկութեան խարխիւր. դիտակցում են, որ եթէ վերանայ երկիւղը ժողովրդի սրտից, իրենք կորած են: Ուստի եւ մի կողմից՝ աւելի են զօրացնում իրենց բռնութիւնները՝ ժողովուրդը սարսափի ու շղթայի մէջ պահելու համար, իսկ միւս կողմից փակուում են բարձրապարիսպ ամրութիւնների մէջ, իրենց շրջապատում են լրտեսների ու զօրքերի բանակներով, որպէսզի ժողովրդի ատելութեան ալիքը չհասնի իրենց:

Բայց լուսնի տակ ոչինչ չկայ յաւիտեանական եւ անշարժ: Ժամանակի ընթացքում թուլանում է ժողովրդին ստրկացնող երկիւղը, թուլանում են շղթաները եւ զանգուածների ցատումն ու ատելութիւնը բարձրանում են այնքան, որ խորտակում են բռնակալներին պաշտպանող մարդկային ու նիւթեղէն պարիսպները եւ ներս խուժում նրանց ապարանքները... Ու քանի՞-քանի բռնակալ իշխաններ — գրում է Շահամիրեանը — «թէ հնում եւ թէ ներկայում, թէ քրիստոնեաների եւ թէ հեթանոսների մէջ ճաշակեցին մահ գառնութեան, ոմանք դեղակուր լինելով, ոմանք քնի մէջ խեղդամահ լինելով, ոմանք որսի ժամանակ սպանուելով, ոմանք էլ անարժանի մէկի ձեռքով խոլխոլուելով» (74):

Այս բոլորից յետոյ՝ մեր հեղինակը, կարծէք, մասամբ ուրախ է, որ Հայաստանը չունի այլեւս թագաւորներ, իշխաններ եւ արքայական զահի թեկնածուներ: Նա վախենում է, որ հայերը, օտար լծից ազատուելուց յետոյ, մի՞ դուցէ նորից միապետութիւնը որդեգրեն, այն էլ անսահման միապետութիւնը, իրենց ազատադուրած հայրենիքի համար, մոռանալով իշխանների ու թագաւորների երեսից քաշած այնքան նեղութիւններն ու գառնութիւնները: Դա կը լինէր մի աղէտ, մի անբուժելի անմրտութիւն:

Ու եզրափակում է իր մտքերը ինքնակալ միապետութեան մասին. — «Աստուած չանի, որ մենք յիմարանսը եւ կրկին փորձենք այն, ինչ որ արդէն մէկ անգամ տեսել ենք: Այլեւս մեր սանձը չտանք ինքնակալ մէկի ձեռքը, որ ճմլի մեր կզակները — ըստ իր կամքի եւ հաճոյքի: Թոյլ չտանք, որ ինքնակալ մէկը բարբարոսաբար թագաւոր լինի ազանակենցազ հայոց ազգի եւ Հայաստան աշխարհի վերայ» (36, 46):

Սակայն չմոռանանք փակագծի մէջ աւելացնել, որ այսչափ մոլի հակամիապետական լինելով հանդերձ՝ Շահամիրեանը յանկարծ չեղում է իր հիմնական սկզբունքից եւ հատուրում միապետութեան զաղափարի հետ Հայաստանում: «Որոգայթ Փոռաց»ի Բ. մասում, հակառակ ամբողջ գրուածքի ոգուն եւ օրէնքներին, նա անսպասելիօրէն մտցնում է մի յատուկ օրէնք առ այն, որ Հայաստանի Հանրա-